

議處律成縣以是書表疏

據密雲道兵備右叅政王一鶚呈蒙軍門并撫按兩院各  
案驗前事到臣該臣會同巡撫順天都御史楊兆巡按直  
隸監察御史王湘議照自古

帝王建邦設都凡以為民也是故

畿甸之民則寬恤之侯甸之民則教衛之要荒之民則羈縻  
之分服不同而用恩有差也今之順天古

畿輔地也乃百姓疾苦視外郡獨甚而平谷順義涿縣又視  
順天諸郡邑為獨甚問其所以病則曰困于差賦差賦謂



何則曰尤困于驛傳今三縣民力竭矣三道言之詳矣方  
自苦供役不前又責令協濟他處是故蕩盡田產鬻及于  
女轉徙日衆編籍爲虛浚脂如膏提骨見髓俾輦轂之下  
萬姓嗷嗷朝不謀夕窮民控額無門有司熟視莫救失今  
不處其勢不至於盡廢三縣不已也近有閩視衙門目擊  
地方困敝議改石匣等驛以濟之詎前驛旣不可改地方  
困敝如故而臣等又議及順義諸縣并和合等驛則以其  
困敝相同亦得之目擊者尤切也所據密雲道議將平谷  
縣請設一驛合用夫馬廩糧諸費除本縣歲括一千五百  
金要掣回協濟漁陽等處站糧銀九百七十餘金仍  
本道所屬密雲商稅一千五百金內以九百餘金補協  
濟之數以五百餘發縣接濟應用如仍不足則括和合驛  
官役之餘石匣驛餘丁之銀以濟之及稱巡檢司照舊和  
合驛裁革其站糧人夫則分併河西潞河二驛應付昌平  
道議將順義等驛除先充學通州紅船銀六百兩昌平  
柴炭銀一百五十兩外要將協濟潞河驛馬價銀五百兩  
解回本縣應付即動支居庸關稅五百兩抵補并密雲  
協濟斗級餘銀二千四百兩以并鋪陳及造冊等項支用  
密雲道議將密雲協濟通州潞河等驛遞驛車馬及站船  
等銀六百三十二兩解回本縣再于河西務丁字沽關稅內



各請加銀五百兩以五百兩抵補被徵銀五百兩發縣相  
兼應付一 的稟益似原在 三 舊稱偏僻民  
頗安美 軍門漸漸悉其 是三縣遂稱  
孔道 是庸關稅銀舊 有司徑自支用近  
因奸民 興於是前稅始歸于戶部是三縣徭  
賦皆首輕而今重戶部稅銀亦昔無而今有也茲議以本  
地所自出之稅供本地不容已之役蠲於官者不及什一  
民有 獲更生甚便計也伏乞

果其地方 神

和防 屈 其 乞

臣等事臣工預圖戰守以保萬全疏

臣會同巡撫都御史張學顏巡按山東監察御史郭思極  
議照遼鎮密邇虜穴謀犯乃其常態往歲或獨遣部落或  
分遣數管多至一二萬少至五六千或專犯一處或獨圍  
一城職等相機調守併力設防雖屢經入犯幸保無失今  
王台既已許婚土蠻絕無後慮分犯併犯情形已的而本  
鎮兵馬止於七萬且散居一百二十城堡之間奔走東西  
二千里之遠分貼則出戰無人合管則擺守不足力已疲  
於久戍氣更餒於缺食故今年秋冬地方危急委十倍於



往時近奉

明旨切責之森嚴部科申飭之諄懇卽虜患少緩邊境稍寧猶當慎戶牖之防備門庭之寇况

示警虜情異常臣等日夜憂思敢不殫力預備以仰紓

上東顧之懷除嚴行各道寺將領等官將城堡牆臺火器戰車兵馬甲仗逐一修整務令足堪戰守及宣布王台俾衆堅忠順勿助北虜自取勦殺外仍有目前防禦一二要案謹列款上

伏乞

下兵部酌議

一

一專練軍營本鎮通共造完戰車四千四百四十輛及應用火器等項安置完備頻年恃以防禦我軍倚如木城騎不敢衝突劄管拒戰甚得其力除分發各管城堡者責令千總專管將領提督難以槩議設官外查得廣寧原設有車營遊擊一員見在正安堡住劄惟遼陽新集車營止委千總管管理軍權輕微更委不一查得局捕都司事務頗簡似應不妨原務無領此管其見任僉書都司蘇國賦年力正壯操守無疵亦堪任使合無將已完戰車二百輛并隨車火器一千六百件及火藥火箭挨牌等件俱付本官專



管其原挽戰車軍士已有練成步兵一千二百名再於都司跟伴及副總兵營內量撥撥二百名共足一千五百員名合爲一營容職等處給馬匹三百爲前鋒哨探之用有警則隨賊向往扼衝拒守無事則操練車管管理局捕專聽副總兵節制調遣一官兩用別無煩費似爲便宜其合用

勅書旗牌亦應照例

請給若量加遊擊職銜兼管司事其於責任尤爲專一臣等未敢擅擬伏乞

聖裁

一移駐備禦臣等看得義州大清堡相去五十里係南犯踏水之衝各堡由之路海州東昌堡相去四十里係南犯踏水之衝各堡雖有兵馬數不滿百每遇虜警必撥別處兵馬防守往返疲勞勢難濟急宜得寧遠衛參將瀋陽衛遊擊與備禦同駐一城後移寧遠備禦於中左所瀋陽備禦於平虜堡各犄角防禦數年以來虜患稍稀今海州城一衛義州城兩衛既有掌印管屯管捕指揮專管城池又有參將駐守而各備禦復同城居住緩處官冗衝處無官有警方出常至後期無警即回徒煩奔命合無將義州備禦移駐大清堡海州備禦移駐東昌堡各帶原領兵馬常川駐守舊管邊



堡仍屬節制零寇徑自驅逐大舉就近收保各叅將照舊  
應援截殺不得因此推諉其衙舍營房容賊等隨便處置  
伏乞

聖裁

一申飭將領臣等周旋共事戮力以扞封疆者惟恃將領若  
平日愛養士卒亟圖修守雖小有失事情尚可原若無事  
曠職臨私臨事推諉退縮雖僥倖苟安尤當懲處況怠心  
生於久任則部位玩弛驕態生於小康則號令乖謬少持  
此心未有不僨事者待其僨事叅處不過提問聽勘而已  
以其剝軍之所得而爲退閑仰給之資彼更何求且勘明  
則百計支短事畢則賞給進用故待賢將法當寬假馭庸  
將法當預嚴本鎮將領皆素以忠義自許與張巡撫相臨  
四年亦頗相信但見今畫地分守者皆係遼人雖夷情緩  
急道里險夷素所洞諳中間私親昵友之投囑不免屈法  
以徇情恩怨顧忌之持疑不免拂軍以媚衆前項驕怠之  
心安能保其盡無而臣等提撕警覺之言不得不預合無  
以後將叅遊等官除始終一切戰守有功者不時特薦外  
如管伍廢弛修理延緩火器戰車甲仗馬匹不行着實整  
備止以空文回報遇警收斂不盡貼守不嚴聞賊哨探不  
真以爲遠藉口見賊逗遛不進以退保脫身及隱匿失事



輕率失機者容巡撫衙門查實一面取赴

欽降旗牌之下會同總兵責治監候一面先取要緊招由叅  
奏輕則提問重則拏解法司盡法重處職等非敢以苛刻待  
將領竊思臣等與遼人同安危與將領同休戚必協心殫  
力共保無虞方副

皇上付托若容隱市恩寬縱干譽以致疎虞則將領之不職皆  
臣等之失職也豈來身認罪何益封疆伏乞

聖裁

一遠遣哨探照得本鎮各路輪差丁役出邊哨探名為粘腔

伏路聽靜坐山突遇零寇卽被撲殺其市夷傳言

謂言給我回鄉供報者又疑似不明思以令丁夜隨市夷

出哨探緣舊無此事諸將以通夷爲慮不敢擅差今年虜

勢重大入犯之先必徧遣精騎於邊陲以絕我耳目若照

常哨探虜情不得預知我兵分布無據查得前鎮各路差

尖夜徑到屬夷管內住探有月報有季報故虜中動靜知

之甚的報之甚早遠鎮事體似亦相同合無容臣等行開

原廣寧管關叅將如遇市夷到邊留管數名再令數名伴

牽覺丁夜量帶日用之資潛入北虜鄰近管內住探緩則

數十日急則一二日輪流更報則虜情可以先知調兵便

於進止伏乞



聖裁

萬曆二年七月二十八日

連民負固日久仰布

天恩盡數歸順海島悉平永拔而鎮禍本疏

臣等看得島民盤據三十餘處負固三十餘年時久難於  
羈縻勢重難於驅逐惟設官兩處協同緝捕使居者不增  
來者漸止侍郎汪道昆所議庶為得策但海水無涯島嶼  
分峙千夜補舟難為千里在內不能周防在彼豈肯待斃  
如壅水必決意懷必濟唯至目前之稍安終貽後日之巨  
禍臣等日夜以養釁為憂每與總兵官李成梁巡按御史  
郭思極計議殺之則倖功留之則遺患以佯示剿捕以寢  
逆心曲為招撫以繫歸念必使島無一人庶可患絕兩省



因選垂覺丁夜數人同都司蘇承勛執票駕舟徧赴島中  
懇懇宣諭一則謂爾等雖有舊犯罪惡今兩奉

詔書通應赦免一則謂爾等祖宗田墓俱在遼地安忍久棄一  
則謂爾等已往糧差亦不追賠一則謂以後封軍幫馬通  
不許舉社此正爾等生還故土保全身家之時失此不從  
今遣糧船百隻會發鎮城家丁選鋒前來蕩平巢穴千時  
爾等進退無路雖悔無及每島俱逐一宣布島民感泣極  
口稱願回衛其中間桀黠者恐係誘回擒拏治罪議令島  
首羅景桐等八名隨蘇承勛見巡按御史又至廣寧見張  
巡撫以探進止皆許以復業免罪又量賞米布各首感泣  
而去以至二月末見回岸消息張巡撫履行文查備訪朝  
御史因島民已順不來必畏衛官恐嚇因帶蘇承勛先出  
巡金州丹差人往諭各島聞知先有張輔等八十二名口  
上岸見郭御史面加安慰又行給賞張巡撫即行分別壯  
丁老幼酌給銀糧由是歡呼傳布纔及半年共四千四百  
有餘盡數回還張巡撫仍恐未的又重覆差官查勘取安  
插地方鄰佑及蕩平居巢廿結并花名衛所領認冊狀前  
來又行該寺及蘇承勛等逐一再行安慰務令得所去後  
今據前因為照天下之患養成者甚於激成平患之方既  
亂者難於未亂今島民潛住已非一日節年為害尤非一



端始本負罪以逃生後敢負險以怙亂每糾眾駕船潛赴  
登萊行劫彼中奸民乘機爲盜莫可究詰一害也兩鎮逃  
軍逃民殺人亡命之徒利其遁送趨爲淵叢二害也潛海  
居民捕魚爲生多被搶奪甚至沉其人於海而奪船以歸  
不敢赴官司告訴三害也朝鮮相去甚近每劫其財物焉  
匹公然赴州縣變賣不敢緝捕四害也逃軍半渡中流盡  
奪其行資而沉之海在遼以逃伍行原籍清勾在原籍不  
知生死五害也先議起發未有一人敢至其地敢交一言  
者此起發之說不可行也後議兩鎮發兵夾勦但彼以逸  
居島內我以勞趨海中計島三十餘處非官兵萬餘不克  
師近島彼豈肯束手就縛且此輩習於潮汛鑿舟焚舟之  
事慣習已久我軍一挫官船官兵俱歸覆沒即使力能盡  
剿但叛逆未甚而玉石俱焚上虧

朝廷好生之德下傷數千無辜之命此夾勦之說不可行也  
又謂止宜嚴加巡邏來則防捕去則勿追不必與較然各  
島物產其多贍養極便今盤住未久處置已難若年復一  
年轉相依附雄長一出號召爲亂如周御史所言浙直滔  
天之患安保必無况

聖明在上威如雷霆而使逋逃有衆南不屬之山東北不屬之



遼鎮可乎但此輩盤據海洋年深人衆治之過急是促之  
使亂也付之不問是縱之爲亂也待其大亂而圖之其難  
有百倍於今日者矣故揣時度勢必使盡數招回方得永  
無後患但其往撫也宜諭失機則褻威而辱命風帆不穩  
則覆衆而喪生因選差都司蘇承勛入島招諭及行苑馬  
寺卿朱奎今代事僉事賀濤巡察海道副使楊家相備倭  
都司姚天與協力催督今不出數月盡數招回凡房室井  
竈及碾磨居食所需之物俱蕩平無存不加一刃消數千  
之衆據之憂不戮一人平數十年癰腫之患查今復業者  
亦未有見在如此之衆查各邊招討之所未有蓋  
之多擬各省獻捷擒斬之功亦未有生全如此之甚者且  
往返海濤半年以外不傷一命不覆一舟尤爲異事蓋由  
我

至

天垂雨露之恩

而普生成之化故百神受職驅逆命者相率朝宗滄海效靈  
俾反側者各全軀命若

內閣輔臣陳謨

密勿消數十年又蓄之隱憂加志邊疆活四千餘已陷之赤



子質之成周中國聖人之謠海不揚波之治弗得專美忠  
勲懋著簡在

宸衷臣不敢妄議又如本兵握勝筭於樞庭遙授巡防之便利  
懷先憂於邊鎮屢陳撫處之機宜閱視侍郎汪道昆深慮  
危遠積患首疏善後計謨議建衙於登州而竊謀者難逞  
屬司道於遼鎮而推諉者知懲又如山東前梁巡撫今傳  
巡撫先後經營地方底定山東巡按俞御史遼東巡按郭  
御史同心倚法力塞禍源而郭御史首巡金復親自招諭  
功尤難泯俱係憲臣亦不敢槩叙及照巡撫遼東右副都  
御史張學顏獨持招撫之議躬親指授之勞薄數十年  
遼之淵藪海岱爲清收四千餘反側之人心版籍立  
色不動禍本永除功當首論鎮守總兵官李成梁始而  
兵赴島咸奉命以爭先旣而率衆來降惟歸附之恐後功  
當併論俱候

聖明從厚陞蔭外其餘涉海効勞人員相應查叙以昭激勸臣  
會同巡撫遼東右副都御史張學顏巡按山東監察御史  
郭思極謹分別爲

皇上陳之武職若都司蘇承勛志行忠誠才猷老練前任金州  
守備恩義素孚今赴登州設防艱危不避往來海中三月  
宣諭島民數回冒險消兩省之後艱挺身全四千之衆命



宜加叅將職銜照舊管事仍應比擬擒斬大捷事例超陞  
世職以酬其苦登州備倭都司姚天與才名素著於全遼  
謀畫更周於東省督兵防守登萊席安堵之休遣泉催歸  
金復增版圖之數亦宜加叅將職銜量陞世職以酬其勞  
金州都司李汝謙登州把總趙康侯朱衣劉崇儒金州千  
總朱正色蔣紹勳百戶蘇世勳指揮李顯祖唐詔以上九  
員督率不避怨勞往來克殫心力均應陞賞又職若陞任  
遼東苑馬寺卿朱奎每懷厝火之憂預爲徙薪之計緝捕  
逆送私船前逃者悉置諸法議處遺留舊產歸附者各途

其主去思尚存乎人心哉

海州道

副使楊家相虛懷雅度卓識宏才巡緝之禁甚嚴能馴出

匣之虎體惜之恩備至盡甦遊釜之魚存一夫不獲之心

成百年無事之勳帶管苑馬寺事分巡遼海兵備僉事賀

溱剖繁劇而聲色不形布恩威而遠近胥悅分先後以嚴

稽查承委者罔不竭力酌銀糧以施賑給來歸者無不傾

心代事半年成功兩鎮以上三員均宜厚加陞賞登州知

府李承選循良之政久擅於青齊汪濊之恩能化乎強悍

本府同知李汝節通判張一良推官韓景達萊縣知縣王

懋威惠洽而人心競勸隄備密而島患一清以上五員亦

應均加陞賞內李汝節職專巡緝勞動爲多其島民羅景



桐王仲文金志成王得金休繼祖吳大銀王樂徐得勝等  
輸誠聽命率衆先歸宜宥已往無知之罪錄今日效順之  
功或容臣等重加賞賜或照義民例給與冠帶以旌向化  
之誠其餘效勞人員在遼鎮者如鎮撫李惠民等三十二  
員名在山東者如各營把總王科等二十五員土官王兆  
鴻等九員係干人衆不敢濫叙容臣等及山東撫臣分別  
犒賞伏乞

勅下兵部再加查議將各官分別陞賞以勸有功再照惠每積  
小成大謀當謹始慮終登萊沿海諸島舊有州縣奸民始  
利遼人交易繼留遼人潛居一人勾引數人一島蔓延數  
島兩地官司容隱推諉坐視因循養成厲階幾致大亂今  
雖蕩平若責成不專禁緝不密恐日復一日又蹈前轍臣  
等反覆思善後之計其議有四一曰專責成查得登州都  
司今改都司金州守備原爲備倭防海而設近倭寇絕跡  
而島民初平似應不妨原務悉令管轄諸島每當三月六  
月九月約日登舟量帶兵卒徧請各島搜捕一次每月委  
官搜捕一次如有一人一家在島潛住即擒拏到官照謀  
叛未行擬以重罪如敢拒捕許官兵登時殺死勿論如登  
萊人先在島勾引罪坐登州都司遼東人逃至島潛住罪  
坐金州都司仍將此項增入



勅書以便遵守其遼東苑馬寺卿山東巡察海道副使亦要時  
時稽考各島有無居人分別功罪歲終呈報兩鎮撫按以  
憑舉劾庶各官不敢推諉而島民不敢逃匿一曰嚴防守  
金復兩衛地皆瀕海如石城廣鹿長山諸島皆衛所額地  
去岸遠者二十里近者不十里見有軍餘在種納辦糧差  
衛所官亦不時赴島催徵與登萊遠島不受官法者不同  
除將島民安插各衛城堡外內有男婦不及一千原係前  
項島內舊有田產親族者若一槩勒令登岸恐居食俱無  
相將就斃合無將前三島各建公館一所移本衛官一員  
在內專住如守堡官之例編島內舊軍爲保首以新來者  
附之凡徵糧納差俱屬本官鈐束本官俱聽金州都司節  
制但有罪犯及謀逃別島者拿送苑馬寺擬罪以絕再逃  
之望一曰加存卹島民初歸携老扶幼家口衆多貧病相  
仍極可憐憫職等已行于金州倉庫照人口多寡大小量  
給銀糧又將原遺房田許其取贖近雖相安但各衛捕軍  
幫軍買馬養馬之費俱照所照丁出銀此輩初到居產且  
無安能辦納又畏衛官追究已往罪過疑畏靡定合無先  
給印帖准免以後雜差十年其已往罪犯不分輕重遵奉  
隆慶六年

詔書悉與宥免以廣



朝廷浩蕩之恩以慰各丁生還之願一曰編船隻查得  
國初山東俱以本色餉遼故通舟楫今山東本色旣不可率  
復則海運之說必不可行若兩處私船不禁是仍開遞送  
之途也合無將海岸民船規制不過盈丈每口不過三隻  
令其搬運米薪捕採魚蝦仍編立字號籍名在官且夕聽  
島官查點見今私船大者給與官銀改爲官船別爲印記  
聯繫海岸專官看守以備公差巡島之用小者照前留數  
隻其餘悉行劈毀如有不行告官私造船隻者賣者買者  
枷示本地原船入官其餘歸併渡口申嚴譏察設立保甲  
禁革科歛撥給荒田修復墩堠及未盡事宜職等見今應  
行者行應禁者禁不敢縷縷條陳以上瀆

天聽至於建都司衙門於登州見奉

欽依議有次第但今島民已歸似應停止以省勞費併乞  
勅下兵部通行酌議題覆行臣等遵奉施行

萬曆二年七月二十九日



乞建衛學以便肄業以移邊俗以隆

聖化疏

據薊州道兵備叅議王之弼呈節蒙督撫學按衙門批據  
遵化等縣儒學廩增附學生員許壽等連名呈稱前事到  
臣諉臣會同巡撫順天都御史楊兆提督學校御史傅孟  
春巡按御史王湘議照學校乃風化之首務戎衛之學尤  
爲所急蓋古者出兵受成於泮宮及其振旅釋奠於泮宮  
而以訊馘告乃示之先禮義而後勇力也其關係大矣我  
朝棧樸作人之化固至周極溥無論九邊遐徼即居庸古北  
山海等衛俱各有屯道獨有三屯管向未有學蓋以忠義



衛屯田在彼緣衛所未經改回是以未敢議及建學近蒙  
皇上俞閱臣之請已將忠義中衛改回三屯則該衛隨屯居住  
生儒自宜隨衛建學以便肄業况三屯居薊門重地九邊  
首鎮總兵駐劄於此羣二十五衛所之人聚而爲營二百  
年來官軍子弟寔爲繁庶人材彬彬非它鎮可比只因未  
有衛學致使本衛生儒遠出告寄於邊化遷安等學自事  
奔馳富者業荒貧者廢學養成驕悍之風蔑聞禮教之習  
有由然也所據該鎮前項建學設師之議委係

聖朝移風易俗之舉既經該道議呈前因一一俱有章程且約  
束諸生俾循禮法尤無後患相應具題伏乞

勅下該部查例覆請

定奪如果有裨教化照依山海古北居庸等處事例一體建立  
儒學將本衛寄學生儒盡行撤回至於學宮屏宇不煩有  
司不動官帑已經鎮守衙門別爲區處期月可成惟應設  
教官聽候吏部銓除俸糧柴薪應於各屬缺官支剩銀內  
湊給不許擅派小民以滋勞費其餘未盡事宜臣等督同  
該道次第施行如此庶邊人知有俎豆之儀而絕塞無非  
聲教之所訖矣

萬曆二年八月十一日



舉刺兵備官員以昭勸懲疏

竊惟軍

國兵食大計一切督理稽查實惟諸監司是賴不爲甄別曷  
勵人心者得易州道兵備叅政高文薦含弘德量經濟才  
猷筮仕即臨易水民風土俗已備諸於胸中奉使繼至邊  
關地險軍情可歷陳於掌上軫民瘼則均徭里甲事事一  
出手裁慎邊防則深山絕徼處處皆其足跡創建千里臺  
隍之險勢壯金湯新立兩標車騎之營威生虎豹信屏翰  
之良材堪鎖鑰之重寄永平道兵備副使宋守約磊落英  
標剛方正氣當機輒能立斷捷若轉圜遇事綽有擔當屹



如砥柱當南北官軍雜處之地用恩用威調停悉中機宜  
會遠近夷情煽動之時可戰可守操縱俱有成筭議復募  
兵之額餉則三軍挾纊罔不加額以感恩議革叛夷之撫  
賞則首首扣關願爲稽顙而請罪允矣長駕遠馭之才足  
勝遺大投艱之托大名道兵備副使毛汝賢通達

國體諳練民情以問問閭之疾苦則平徭定賦三郡賴其撫  
摩以防奸宄之潛萌則除器誥戒一面資其保障率屬先  
以清白貪墨之吏悉聞風而改圖治兵必以威嚴逋逃之  
卒咸依期以解伍法令先行於近習措注動協乎輿情霸

州道兵備副使錢藻文章以飭政事忠信以格奸頑治當  
舟車輻輳之衝往來供億事事悉有章程地稱奸盜縱橫  
之藪遠邇巡徼處處皆爲戒備以釐衛所科派之弊歲省  
者奚啻千數百金以清勢要役占之軍補伍者已足六千  
餘衆勘河工則力排羣議下民免墊溺之危憫水災時見  
憂容一身切惻瘵之慮刑平政舉盜息民安遼東寧前道  
兵備副使李松事不辭難剛能任怨撫綏疲卒克威克愛  
大小無不傾心督理邊臺必躬必親將士罔不効力甘苦  
下同於部伍出口露宿者月餘勤勞靡顧乎室家孤堡獨  
居者數載遇警而臨機決策諸將藉以受成斷獄而抵法  
追贓貪官因而斂手封疆良翰盤錯竒才薊州道兵備叅



議王之弼事體素諳法紀獨持語民情則迎刃以解雖老  
吏不如議邊務則抵掌而談即宿將退舍視百姓如赤子  
一切驛傳均從由爲蘇息之計愛士卒若嬰兒諸凡撫夷  
買馬盡洗科削之風操持無媿於四知力量可當乎八面  
分巡遼海東寧道僉事賀溱敦朴無僞之衷剛毅有執之  
守持憲體而公明並著毫髮無私馭將吏而威惠兼行鼓  
無有法如城堡如教臺督理不辭胼胝立成一路之金湯  
若甲仗若士馬稽查必盡細微盡剔累年之痼弊資望已  
幾一考勩勞獨擅三韓昌平道兵備僉事馬時泰德器冲

猷迅發當

改京根本之重地而治兵理餉曲爲綢繆桑土之謀撫善何

敝之遺民而薄賦輕刑足副後來雲霓之望通漕轉粟士  
馬立見歡騰繕堡增埤邊民咸資保障前後計資已多始  
終全節可卜以上八臣均爲藩臬之良所當薦揚內高文  
薦宋守約資望獨隆可備開府之選毛汝賢王之弼賀溱  
資望海濱宜及時擢用錢藻李松馬時泰政績方新應久  
任以觀厥成者也臣又查得原任薊州兵備副使今聽調  
徐學古跋扈側媚之態科索侵盜之賊在撫按諸臣已言  
之詳矣而臣竊以爲學古賊跡他姑勿論至於侵盜

內帑官銀非若賂金贖錙之細也撫按所以論學古者謂侵



盜事發卷案可查非復風聞採訪之誤也風憲官受賊例  
猶加等况盜及庫藏又係

欽賞之重乎先據本官事發臣曾批道行查金賊跡旣明法當  
追論參照在任副使學古市井庸流衣冠大盜依憑城  
社濫叨卓異之名恣肆錐刀巧爲穿窬之計

欽賞銀一千餘兩在路冊則稱扣除還官在道冊則稱給散已  
盡假公濟私謀已行而財亦得侵剽銀三百餘兩取之州  
官而不與解送撫院而見參掩耳偷鈴事欲蓋而跡彌彰  
置買玩器滿載而見有州中夫役爲之扛送變賣糊價  
充橐而入則有邊關提調爲之轉收旣奪驛傳之工食自  
建生祠又借州中之士夫共爲禮拜恣情蔑法無耻喪心  
此一臣者難以靦顏在位宜速罷斥以警官邪者也伏乞  
勅下該部再加查訪如果臣言不謬將高文薦宋守約不次擢  
用毛汝賢王之弼賀濬及時擢用錢藻李松馬時泰久任  
徐學古罷斥庶人臣之邪正不淆而

國家彰善癉惡之典亦昭矣

萬曆二十九年九月初九日



舉刺有司官員以昭勸懲疏

竊惟臣待罪軍門督理兵務一應措辦軍需勘議邊事則  
皆有司責也諛臣所節制各府堂官及州縣正官無慮二  
百餘員臣姑擇其賢不肖之尤者為

三上陳之訪得保定府知府劉泮老成持重愷悌慈祥當車馬  
絡繹之會供億有條守軍民雜沓之區制馭得法錢糧躬  
兌庫吏勒索之弊自除牌票親查空存扣減之奸弗作繕  
城堡修橋梁事多偉績編里甲議丁糧動有良規清白可  
質諸神明公平足並之衡鑑廣平府知府趙奮器度冲和  
益然春靄操持峻潔皎若氷瑩行政不苛不縱有古者牧



民之風問刑惟允惟明得君子爲政之體交際一謹於道  
義威令不撓於權豪行法自近精明懾羣小之心率屬以  
身端方作九邑之式真定府知府武尚賢長駕遠馭之才  
剛大直方之氣郡嘗孔道操割而游刃有餘事誠鞅掌處  
置而應弦不爽問閭閻之疾苦則寬里甲蘇驛傳而綜理  
獨詳酌

國計之盈虛則追逋欠嚴侵欺而徵輸有法鋤強抑暴西臺  
之風采猶存治盜防奸畿輔之保障攸賴大名府同知李  
子貞儀度溫恭才猷練達臨民藹然可掬時聞和風甘雨  
之謠處已皦然不污大起青天白日之誦清軍丁則追呼  
不擾而軍裝之魚弁待多理場注則有催右術而名謂之  
徵輸無欠勘河崑一方之永利丈地息數載之爭端善政  
何多聲華籍甚河間府同知洪濟遠器度溫於白壁操履  
潔若素絲關防能謹羣吏鮮舞文之奸聽斷惟公兩造遂  
成之口議慶鑿鑿可行若清戎若修城  
措注事事得法文章早擅時名政事已徵上考順德府同  
知周濟用吏事與文事皆優心術與學術俱正精明佐郡  
百廢振於一朝澹泊持身三年猶如一日巡行關隘劈畫  
動中機宜即宿將爲之退舍奉委查盤條陳洞悉利弊雖  
老更難與齊驅巡徼革局騙之奸清戎無濫及之擾懋修



實政可寄專城保定府管關同知張燭識見不羣志意甚  
銳塞上之險夷畫如指掌皆其閱歷者深軍中之疾苦談  
若懸河原於體察者密修臺治水勘議見經世之猷丈地  
均徭綜理悉保民之計佐郡近九年始終一節署篆周五  
屬稱誦同聲同知李琮丰神道勁才識通明在房山不屈  
節於閹貴爭琤有聲佐保郡輒受知於上官紛紛延譽聽  
訟而是非立斷兩造稱平持已而冰蘖自茹一塵不染均  
唐縣馬地數千頃法不撓於奸豪釋新城重獄數十人澤  
已及於冤抑獨持風節綽有威稜廣寧駐劄濟南府同知  
黃文雅有醞藉更裕才華志切濟公雖一介不敢苟取而  
一於將領之餽遺事惟務實即上官不爲迎合而尤慎  
一情之切報案履親裁曾不假手於吏書薪水自辦但  
砥苦心於貧約任久而志不渝秋加而心愈謹永平府通  
判徐學孟遇事老成存心謹恪司馬政一塵不染署滌寧  
百廢皆興留心案牘則數年之束閣通完清理帑司則千  
金之隱埋盡出問斷有片言之風催科無並徵之擾約已  
愛民秉忠任事真定府推官虞懷忠圭璋美器冰蘖清操  
聽斷則剖決如流覆盆可照查盤則奸伏立發迎刃有餘  
凜凜風裁明作無不法吏驚驚議論諸達真如素官共推  
遠大之才可備清華之選保定府推官劉奮庸學有淵源



政崇體要世故習練應酬不激不隨法紀獨持聽斷惟明  
惟允下車而首平物價市廛息強買之風入郡而即釐巨  
奸衙門鮮舞文之吏查盤則所至畏之若神操履則見者  
擬之如玉家聲振於二難官譽騰於兩郡永平府推官劉  
魯淵淵醞藉表表才華仕堯封者二年寵登八薦任畿甸  
者數月名重一方折獄不假深文而真偽燭照勘邊無煩  
苛察而軒輕衡平章書吏弄法之弊積案咸清禁胥役訪  
事之奸庶屬不擾洞然不爲城府肅然自凜冰霜開州知  
州潘雲祥溫恭美質博雅雄才未明求衣治理不遑於夙  
夜行法自近刑威先及於使胥峻公門出入之防關節何  
由得到嚴諸役完銷之限案牘自是無留葺學宮重鄉約  
而八文丕振懇荒田平徭賦而惠政一新文章擅三晉之  
名流宦蹟稱一時之良牧通州知州張智望駕馭長才盤  
錯利器禁書吏舞文之奸親銷積案嚴庫藏收支之法盡  
革秤頭勾攝不用公差民安如堵驛遞不收分例賓至如  
歸括契稅以抵夏稅閭閻不煩於徵派清牙稅以充經費  
里甲盡免於供輸當衝會而事事留意允爲任怨任勞處  
刁疲而色色改觀具見有才有守冀州知州姚純臣清修  
吉人純一赤子關防首嚴於羣下門無苞苴之嫌聽斷無  
勞於片言庭鮮鼠雀之訟清欺隱之地以充學田諸生贍



養有資出社倉之粟以備子種貧民俯仰攸賴定州知州  
韓希龍事不辭難才能治劇地當衝繁困億之交承而應  
酬不匱郡有漢達軍民之雜處而處置咸宜立票格以稽  
公費群下絕冒破之奸刪麥價以抵災逋小民免包賠之  
苦門無私謁操持無媿於四知獄無冤民施爲克勤於六  
事深州知州李恩寵仁愛發自忠誠精明濟以渾厚禁吏  
書不得私出漸杜騙詐之風查丁糧以括公需足防科朘  
之弊審編則貧富適均催徵而緩急有序革積年占戀之  
皂役公宇項清拏害人嘯虎之棍徒萬民稱快密雲縣知  
縣邢玠具爽朗之才益持以慎負精明之見自撫以謙恤  
疲民時見憂容領繁區一無難色立號帖以嚴庫藏之出  
納積年之蠹弊盡祛給印票以明牙稅之收支無名之科  
尅項息審編則輕重各當能發飛詭之奸查盤則綜核甚  
明不用操切之法氣凌山岳豈但畿輔之循良德並圭璋  
允矣

蕭郎之偉器南宮縣知縣喬岩有道容儀無私法度擒兇黨張  
應智等而抵之罪善類得以安生李積書張惟一等而遣  
之成奸宄因而斂跡興社學課農桑具見教養之鴻猷飭  
城隍嚴保甲無非保障之大計厲健訟之禁澆俗漸以還  
醇身節儉之先浮風今已歸朴固安縣知縣李宜春政體



惇大發之以精明心地慈祥濟之以果毅均丁田以抑貪  
暴減商稅以蘇困窮法行左右絕不逞者三十人則門屏  
頽肅獄得平反釋無辜者數十命則囹圄無冤莫北懋經  
畧於籌邊畿南冠賢聲於治邑并陘縣知縣鍾遐齡兩任  
一方三年一節甘棠再咏民方思其去而又幸其來福曜  
重光愛已遺於前而又加於後是倉修學教養之澤彌深  
振旅增埤捍衛之功具在慮忘患之巨測則議守固關繪  
圖貼說居然安攘之弘猷恐文之無徵則纂成新誌辭  
直事核允矣經久之懿範文學與政事兼優吏治與邊才  
俱備由陽縣知縣馬復和平有執沉毅無私地近邊關而  
勤工給餉獨多經理之勞治雜軍民而聽斷催徵固為調  
停之術發隱地之奸而置之法強暴悉憚其威稜於復業  
之民而給以粟流離咸感其慈惠羔羊不染纖塵騏驥豈  
終百里滑縣知縣許雲濤悃悃不浮剛介有執剴繁劇而  
注措有餘馭犢悍而馴服得體議丈量則曲盡變通之術  
績用有成撫流移則尤多安集之仁民皆復業節用先於  
約已雜支減舊額之半尚有贏餘為政期於宜民編戶究  
詭譎之奸悉從輕省人蒙實惠政匪彌文清苑縣知縣郭  
四維偉度弘才冲懷雅量從容當盤錯之會旅願出途慙  
勤撫疲困之民安居如堵聽訟而曲盡人情催科而懸示



等罰省解脹之煩費革里甲之小夫士庶歸心奸豪絕跡  
蠶縣知縣謝良琦舉動不苟議論多奇初政先嚴於近習  
有役畏若神明下車首諮於民瘼黎庶戴如父母賦役增  
得宜信持衡之不爽訟獄平反最當果獲益之無冤朴  
心華清約自若行已直除崖岸臨事儘有擔當刑臺縣  
傳作舟性資通明才華醇茂處繁邑而恢有餘刃當  
駕若輕車刑名不假供書騙局自塞市買革除官  
管爲清發倉廩以貸貧窮老稚得免於填壑濬泉源  
貪灌溉皂潦可必其有秋守已無私待人有禮真定縣  
縣官應市牛刀方清猷爲日練操割繁務若然新發於  
酬挺立清標嶢然不洙於滓懲舞文不少貸於左右禁武  
斷尤加重於奸豪催徵無煩鞭朴兩稅完納如期奸弊曲  
爲開防奉小送巡奉法寬嚴得體節愛多端成安縣知縣  
燕好善不能應變智足防奸蒞任首減供需堂無濫費催  
徵先禁火耗民有歡聲課農桑嚴保甲果獲盜息民安之  
効伸冤抑禁刁風輒聞刑清訟簡之謠志在遠圖才堪大  
受遷化縣知縣宋仕精明立政愷悌存心以節省財用則  
經費不復多徵迺馬不復私募而困弊爲之頓甦以清理  
錢糧則花戶革其火耗大戶禁其秤頭而徵輸可以立辦  
條時宜之二事足徵經濟之訂謨凜冰孽於四知尤見清



修之大節任丘縣知縣郭汝丰標鵠立器識淵涵里甲免其輸直貧民賴以息肩驛遞盡有規程旅人咸爲即次均數年影射之地糧豪猾束手編伍衛銀力之徭賦武弁傾心元城縣知縣王汝訓年齡清妙矩度老成初任而虛懷諮訪民間疾苦周知遇事而加意關防衙門弊端盡革待身尤謹供需常運於家鄉視民如傷刑罰不加於鰥寡蠲賦稅則首及荒區百姓免流離之苦念汗菜則先通溝洫一方享樂利之休肥鄉縣知縣陳明經簡默不浮端嚴有體立簿籍以稽支應懲包攬以杜私科勾攝不擾民間鷄犬皆寧巡徼獨嚴境內萑苻無警禁糧衙之畫卯關防克勤於同僚革徭役之倍收約束尤爲嚴密

稱政與俗而相安吳橋縣知縣龔勉政體獨得之方以擅議論吐胃中之奇每一事千餘言成於倚馬前爲運筆上之治卽一時集數事解無金半民已沃然飲恩勵精猶未遑於退食才堪坦然臥治憂勤尚每辦於宵衣原非百里之才足當八面之寄長垣縣知縣胡宥貌著謙和心存兢惕下車首平物價衆已頌其法操經用盡汰冗浮民得免於浪費繕修城廓足徵柔土之謀恢飭學宮大溥菁莪之化昌黎縣知縣孟秋心渥澤節勵羔羊以古道率人盡洗脂膏之習以誠心應物悉除城府之奸軫念瘡痍則省



刑節用曲為撫綏之計預防盜則增埤繕械嚴為保障  
 之圖不近時名雅多實政曲周縣知縣安九域廉足生威  
 勤能集事編徭則誓神以服眾而輕重得宜催糧則立限  
 以便民而緩急有序關防若櫛狡吏無緣為奸裁決如流  
 積案隨時俱結善政已成於寧晉芳聲益振於滄河間  
 縣知縣段補才猷超邁操履清嚴孔道之冠蓋接踵供億  
 一無留難郡邑之簿書相仍清理盡為完結籌盈以理民  
 事何啓處之不遑裹糧以勸水災真恫瘝之在念曲梁之  
 遺愛依然瀛海之聲藉藉甚獻縣知縣高薦清若水潔純  
 如璞渾軫民隱而撫輯多方民免於溺當年道而應酬有  
 法賓至如歸曲事關防吏胥之弊泐盡力行節儉里甲  
 之浮費悉裁仁愛本於由衷清修一無矯飾滿城縣知縣  
 申九峯質本老成政尚平恕催科不擾而邊儲獨能早完  
 節縮有條而里甲不致重累建倉以護屯糧軍需有賴立  
 會以泐里士文教事與不炫耀以求名實勤敏以集事大  
 城知縣忽鳴強毅有執重厚少文政尚撫綏流移復而歌  
 鴻為法嚴避徼奸宄戡而警祀萑苻發庫藏之浸漁追  
 遺者不止數百省里甲之供費頓存者殆近千餘孤介不  
 和于流俗實行罔獵夫虛聲三河縣知縣張倫實政實心  
 任勞任怨催科則嚴以濟寬盡元數年之逋賦聽斷則情



盡於法悉得兩造之深情清隱  
之地數千頃豁包賠之  
糧幾萬金民間有三不撓之語  
一不撓于閩宦不撓於勳  
戚不撓於達官又有三不知之  
語一謂不知有驛站不知有  
里甲不知有卷為一方實惠不  
以更生萬姓叩恩真同再  
造文安縣知縣閩漳王質溫文  
而才爾雅撫凋殘昏墊之  
民慮真切乎恫瘝斷權豪大姓  
之獄法不撓于請托清查  
盜賊之流詭寄畢廢議攤無地  
之糧包賠頓蘓提身如處  
子一介不取言鬼神守官若春  
冰三事不愧于屋漏懷柔  
知區區之政謹出習俗之外  
素重鄉評治行敦愷悌之  
風  
切撫摩編審無偏而輕重各當  
催科不急而逋負多免不  
上時流可稱循吏平谷縣知縣  
張四科外著冲和内存調  
理文移不假於左右事每親裁  
催科不煩於里書民自輸  
納嚴開場賭博之禁令必行於  
猾豪發主文騙詐之奸法  
不貸於近習樽櫛經費里甲頓  
蘇增置墩臺保障依賴南  
樂縣知縣錢博學節勵堅貞才猷  
素練武強初試曾罹無  
妄之災南樂再更益奮有為之志  
裁減走遞之夫馬歲省  
奚啻千金清查包攬之棍徒革役  
將及百董廣儲普賑惠  
有裨於歲凶薄賦均田勞不辭乎  
親勘蒼黃縣知縣李喬  
遷氣本剛方事無矯飭勘災請賑  
視民饑猶已饑文地均



糧處官事如家事公出不帶管支之役走遞裁去附餘之  
馬具見留心節省發猾吏任廷訓之弊翦刁民崔敖等之  
黨足徵加意除奸耻類時流雅存古道以上諸臣皆廉勤  
公謹所當薦揚者也臣又訪得順德府通判李樟性多鉗  
忌心尤悍明年逼桑榆病如風燭部解尅落羨餘物議已  
著署縣侵漁里甲民怨益深在廣宗指查地冊每社書手  
俱有見回銀兩在鉅鹿指交庫藏新舊吏役各有磕頭分  
例家小田籍則徧向屬邑折取夫馬之價作興舉人則徧  
搜帑藏因爲入已之資每日送大下程一分通行折乾每  
日放告狀一次肆行科罰因老而志於得以病而喪其守  
此一臣者相應以老疾勒令休致者也薊州管餉永平府  
通判楊舜臣才本昏庸性尤迂緩署篆灤縣百務俱荒管  
餉漁陽一籌莫展衙門供應猶襲舊弊悉科派於商人收  
支常例全無關防縱索求於胥役經年足跡不至倉場邊  
儲何賴終日肩輿奔馳道路操守徒妨振作無術類若死  
灰撥置由人真爲活偶此一臣者論其才力似不堪用但  
年力尚強操持未壞相應改調腹裏簡僻地方以全器使  
者也饒陽縣知縣李守真才幹猶堪驅策輒甘心囊橐之  
謀年力尚未衰遲遂肆志谿壑之慾假朝

覲之公費開騙索之私門借口稱貸富民皆在其網羅所得奚



畜千金駕言見面庫役盡被其嚇取所入又數百兩視公  
帑若私藏贓贖為之一空以民貲為己財雞豚為之必察  
此一臣者穢德已彰官箴大壞相應罷斥以警官邪者也  
衡水縣知縣張臻驅馳風塵精神已倦蹉跎仕路志節全  
灰民事慢不經心臨財無不染指聽斷詞訟既強小民之  
無力以收贖而又有罪外之罰糜費里甲既取其丁徧之  
公費以為常而又多額外之徵吏胥任其出入全不關防  
漫無稽考此一臣者仍應改教以示創

勸下訪  
加查訪如果臣言不謬乞將劉泮等紀錄以  
擢李樟致仕楊燁臣改調李守直罷斥張臻改教庶賢者  
勸不肖者懲其有裨於

國家之吏治不淺矣

萬曆二年九月初九日



爲罪三無遼保諸鎮皆設有管糧郎中主事等官邇來清  
理兵戎議定餉額疏通邊漕改徵民運一切機務視昔  
爲繁故諸臣勤勞視前官爲最臣待罪軍門兼有理餉之  
責諸臣遵照

勅諭悉係臣節制之數輒敢謬爲評品以備勸懲訪得薊州鎮  
管糧郎中高世雨冲和德性而發之以精明嚴整規模而  
濟之以權變收納耻爲加耗且隨事關防門庭之清澄若  
水收支不求羨餘又依期給發士馬之驩動如雷昌平鎮  
管糧主事孫倌遇事風生當機刃解以通飛輓之利則歲



輸漕糧二十萬邊儲積貯如山以洗商販之奸則責易新米十餘倉將士啣恩入骨左右之關節難通水糜之操持獨切永平鎮管糧郎中羅良禎練達誠爲老吏儉約猶若儒生下車卽發虛出之巨奸豪猾聞而斂戢行政首禁官攢之常例倉場因以肅清盈縮之劑量無私本折之調停有法密雲管糧郎中申嘉瑞體若不勝衣而事能任怨言若不出口而智足防奸治河通漕俾窮邊士女乍聞鼓舞之歌建倉貯粟使絕塞貧軍無腹脫巾之請以上四臣均稱賢者內高世雨孫倌宜擢用邊方待以不次之任羅良禎宜久任以觀厥成申嘉瑞資宜循以究其用者也伏乞勅下該部再加查訪如果臣言不謬將高世雨孫倌不次擢用羅良禎久任申嘉瑞資宜循權用庶同事封疆之臣當共濟兵食之務矣

萬曆二年九月初九日



薦舉專閫大將以重邊防疏

爲昭薊昌遼保四鎮莫非重地四鎮主帥莫非重臣邇來居常則有修守訓練之勞邇警則有遏截俘馘之績成功不易得將尤難臣謹以四鎮大將爲

皇 陳之如總理練兵兼鎮守薊州永平山海等處地方總兵官左都督戚繼光文武兼材古今名將秉孤忠而懸日月節不變於風波練強兵而動鬼神威已振於夷夏推食饗士卒三軍懷挾纊之溫解佩贈備禕諸將切投醪之感二千里內外之防地無遐邇莫非心思足跡之所經十數萬主客之衆事無巨細一皆耳提面命之畢至鞠躬盡瘁尚



與疾以行邊軟血誓神願暴虎以報

至此

國家不二之忠臣邊疆萬里之長城也鎮守昌平總兵官都督同知楊四畏諱達足稱丈夫謹恪尤爲君子威名素著於遼海猶耻言戰伐之功勳猷再見於北平獨憇樹修守之績築臺則雉堞連雲千里郊關居然成金湯之險修城則桑土未雨萬年

陵闕屹焉奠磐石之安抱水堊以自勵絕無有苴之嫌守禮義以自閑耻爲城社之託語其才則緩急有列論其節則終始不渝鎮守遼東總兵官都督同知李成梁心胸光大紀律精明戰守動出萬全取與尤嚴一介受二千里疆場之

重寄出謀發慮每預定於帷幄之間扞數十萬跳梁之驕胡設伏出奇常橫行於沙漠之外練兵不事虛文而車營火器每以我之所長攻虜之所短臨陣必以身倡而抱桴決策常先爲不可勝以待敵之可勝歷官一品皆宗而德益謙專閫四年功高而心愈下鎮守保定總兵官都督俞事傳津忠勤體

國智勇兼人慷慨臨戎曾抗強虜方張之勢而徧體之箭跡猶存廉靜持已懼蹈債帥已覆之轍而衙門之關防甚密督臺工則必躬必親卽羊腸鳥道不辭跋涉之勞練車營



則有倫有要雖達官悍卒必嚴節制之法威名懋著於一時孝友相傳於三世以上四臣悉稱良將內戚繼光楊四畏李成梁年勞俱深宜破格優錄以勸有功傳津先行紀錄容令久任以觀其成也伏乞

勅下該部再加查訪如果臣言不謬乞將戚繼光楊四畏李成梁優錄傳津久任庶登壇受鉞之臣各奮起委身報

國之念矣

萬曆二年九月初九日

舉刺文武教職以重化理疏

竊惟文武並用保邦之長術顧學校乃賢才之所關而師道又賢才所自出臣謹擇其教職臧否之尤者爲

皇上陳之訪得新城縣儒學教諭常正紀偉標玉立清節水瑩作人而章程不爽諸生樂有甄陶署邑而問斷尤明百姓咸知怙恃古作優入名家志行超乎流品阜城縣儒學教諭李子曜謹長存心謙虛受善醞籍頗富不憚燈火之親水蘖自甘尤嚴取予之節學足潤身才堪從政密雲縣武學教授喬登胸有甲兵自無胡虜究心於韻畧者三十年兵法陣圖洞如指掌投足於邊關者數十次夷情地利剖



若折薪近註孫子一書法眼獨正能評古今諸將斷案尤  
精詎諸生方幸依歸而兩耳忽然沉重以上諸臣常正紀  
李子曜應循資擢用喬登作士有成抱病難痊應題

准新例量加守備職銜容令致仕者也又請得承中書學教授  
趙祐心性錙息舉動周章初以筆鋒稍捷始取其言而略  
其行詎乃節節不端共因其人而廢其言請鼓數月不鳴  
生徒皆怨其欺時國經年不到廩餼徒爾虛糜此一臣者  
相應革職以儆者也伏乞

勅下吏兵二部再加查議如果臣言不謬乞將常正紀李子曜  
紀錄罷用喬登加銜致仕趙祐革任仍照舊近例於中式  
武舉內知兵者選補庶師道可尊而真才輩出矣

萬曆二年九月初九日



薦舉境內人才以備錄用疏

竊惟燕趙古稱多才我

國家定鼎燕京

聖化宣邇名傑輩出一時挾才抱德之士曷可名數臣姑廉其階資相宜聞望素著者爲

皇上陳之如原任巡撫山西戶部侍郎趙孔昭天地鍾其正氣日月可鑒孤忠持法紀則山嶽可搖西臺之風裁甚肅吐經綸則江河乍決

三朝之建白何多隨用而乘時奮功竭乃心于

王室歸來則杜門習靜絕足跡于公庭夙稱文武之兼材尤



嚴出處之大節抱病已瘳掄材宜急原任巡撫遼東都御史李秋慷慨有國士之風經濟負丈人之畧履難危於三鎮雅多安攘之弘猷甘恬退於故園尤見清修之大節雖驥足屢蹶不免伏櫪以長鳴而鵠志不羣終當摩天以奮翼名已重于白壁望尤切于蒼生原任巡撫遼東今聽調都御史毛綱學術心術俱端吏才邊才悉備初握符於海嶠皜然不染於紛華繼秉鉞於邊城屹焉不動乎聲色聞父計而徒步奔喪置功名于不顧惟人言而閉閣省過保志節以有終今大事旣襄而寸心猶壯原其情本欲移忠以成孝畧其罪自當使過以爲功原任陝西僉事紀大綱清才爾雅粹質溫文諫草在時正論夙持于官以剛直起敝憲法尤振于臺端親病則含淚以嘗藥皇皇直其親愈則舞紼以承權翩翩猶如萊子孝友特重于鄉猷迫超乎流輩以上諸臣在趙孔昭以病歸今病已愈在紀大綱以親歸今親無恙李秋才難終棄毛綱情有可原俱應及時起用者也伏乞

勅下該部再加查訪如果臣言不謬將趙孔昭等遇缺速爲推用庶

國有得人之慶野無遺賢之嘆矣

萬曆二年九月初九日



舉刺武職官員以重邊防疏

竊惟臣所督屬地方延袤五六千里大小將領無慮千數百員中間奮志功名官力疆場者固在而偷惰玩愒曠職誤事者不無臣請為

皇上陳之以主兵將領言之如協守西路副總兵都督僉事張臣身經百戰氣雄萬夫樁樁崖崖倬之功已寒毡裘之膽墻子嶺修守之績尤伐鼠狗之謀向聞驍捷可任衝鋒今請請釘足充符鼓協守東路副總兵史宸驍雄有氣沉懇多謀開口輒道

吾國忠能濟勇舉凡不忘母訓孝可移忠卻期有廉將之風



軍懷

國士之報分守石塘嶺副總兵張拱立層層威儀  
黃金以結士虎穴可探推赤心以撫夷龍沙日靖急公而  
忘家難任怨以冒群疑石門寨副總兵張拱立層層威儀  
桓桓武力聞敵則怒敢攘臂以登避利如汚每失心而  
莫染歷任已踰九秋論功豈止三捷馬蘭谷副總兵曰福  
老成大人清修君子厲兵秣馬練成一路之貔貅禧堡  
臺深藏重關之虎豹抗節不容眾口孤忠自有天知三  
右營參將羅端能任怨事不辭難料敵則籌畫多端  
然江河乍决當機則意元氣定屹然山嶽難移居官之  
獨立封侯之數何奇墻子嶺參將董一元威名不忝虎臣  
驍捷足稱飛將方挽十石弩胡虜早已知名勇當萬人敵  
諸將難與角勝自奮一蹶之餘當馳千里之步統領中路  
南兵參將吳良知英氣逼人膽力絕眾領已中矢而色不  
動軍中勇氣愈揚敵已斬關而戰復回海上威名猶重練  
士得五兵之正教集敵樹曰省之奇勳密雲標下左營參  
將楊文勇爲軍冠智運機先力發部曲之侵漁門無苞苴  
之入躬散三軍之糧餉人懷挾纊之溫功久著於銅標名  
今垂於瀚海險山參將傅廷勳忠誠格物端潔持身督萬  
夫以修邊人人用命當四面以制虜處處無虞橫嶺城參



將李時氣本鷹揚威生虎視董修臺座百年樹保障之猷  
廣建營房三軍藉併幪之庇燕河營參將聶大經金玉英  
標水蕩苦節祛除宿弊無復役占影射之奸訓練強兵盡  
諳分數形名之法分守錦義參將唐朴遇事敢於擔當馭  
軍不聞科索高平督修工作克壯兩河之咽喉錦義查閱  
官兵立清數年之奸弊開原參將郭夢徵鴻鵠不群鷹鷂  
欲擊環三面之強虜撫馭得宜建數里之孤城保障有賴  
瀋陽參將曹宜氣欲吞胡志存裹革每當大敵輒躍馬以  
先登曾被重圍能挺身而突出功收百戰勇冠三軍車營  
參將馬文龍談事悉中機宜撫夷能知緩急修正安之巨  
堡百年保障攸資築古城之崇臺一時烽堠甚謹紫禁  
參將王撫民雅貌似儒雄心則武遵憲度以東下凜存誓  
戒之言革工匠以隨行毫無占役之弊臺式則由於一轍  
材品則預諸先期戎伍既精邊境有備倒馬關參將劉世  
恩老練才猷剛方氣節恤軍則請糧施藥惠豈止於投醪  
督工則陟嶽降原心尤急於叱馭騎射不負賢科操持真  
爲肅將軍門中軍參將徐枝翼翼小心謙謙厚德約束轅  
門之將校罔不傾心出納牙卒之錢糧毫無染指清白猶  
若儒生諳達可稱宿將遵化標下遊擊吳惟忠容貌不踰  
中人機智足稱老將奉身如處女一毫關節不通愛士如



嬰兒百計撫摩備至談兵則毅率獨真行法則豪強不避  
振武營遊擊賈斌沉潛不露機警多謀練士卒如驅羊運  
戰車若馳馬清查役占怨謗付之不聞罷卻供需清白果  
能自見遵化標下遊擊陶世臣忠輸赤膽望重白眉抵掌  
而談邊務山川之夷險周知躍馬而入虜巢戰守之機宜  
備識操守不涿於苞苴勵精實錫乎汗血遼東左營遊擊  
趙應昌驍勇無前警敏多智大清堡以寡擊衆點虜憚其  
威名揚與屯避實乘虛諸將服其籌筭右營遊擊楊五典  
氣蓋萬人威雄八面管坐營運籌得體主將藉以成功領  
遊兵潔已無私官軍罔不效死密雲輜重營遊擊陳伯懌  
發跡儒林才通武略統二千烏合之衆練車練步渾成節  
制之師開萬里膏腴之田時敏時耕兼修教養之法談兵  
有儒將之風撫士真循良之吏昌平遊擊李世臣倬幹豐  
願長才壯志正身以馭官僚盡葦科占之弊持法以繩羣  
士悉蒐逋匿之奸築城則雉堞獨雄修臺則金湯益固標  
兵營遊擊王有巨賢科奮跡百戰起家騎射優閑赴赴獨  
超武胃操符節謹密向無異備神建倉便軍

國之儲開河海備覽之制真定民兵遊擊李彥勳胸有甲兵  
目無胡虜清遊擊之月糧以還府庫守已如水葦補馬之  
常例以恤民兵愛卒如子臺工獨稱得法軍容亦已改觀



錦州遊擊徐國輔膽氣粗雄謀猷縝密且戰且守大勝堡  
之斬獲何多不費不勞臥佛房之上築尤固前屯遊擊劉  
澤勞苦能甘艱險不避設伏以驅強虜捍關輔之衝途任  
怨以修邊臺控華夷之要害遼東管屯都司蘇承勳事不  
辭難力能任重佐閩政一介無求涉海洋萬死不避流移  
盡復立克一路之版圖島嶼爲清永除百年之禍本三屯  
營中軍崔經才已脫穎智若轉圜處南北戍之異情而調  
停足術籌十一路之機務而劑量合宜邊備悉有章程守  
已不聞物議三屯輜重營都司曹南溟奮跡營官歷官武  
級秉一心之精白秋毫不擾於行間統數百之新勾軍容  
獨壯於塞上建昌坐營官劉德溫銳志以圖功名潔已正  
勵官守怡家貲以資設備查荒田以給新軍部曲感恩屬  
矣無怨密雲守備張玠堂堂熊虎之軀凜凜冰蘖之中擒  
賊千餘里外駢首就縛猶如探囊取盜數百餘名輸心服  
罪無勞賢明永平守備李惟學四百里無怨庶自生威聽訟  
有法遠近願爲賢成補益多矣進修德有在論義院口提  
調陳忠素聞兵政惟有將才捐食米以分貧辛部伍咸加  
額以知恩官恩法以諭戢夷氈表慈曰心而向化前屯備  
禦葛昇嚴忠實不欺勇敢可任聞虜警每陣當先屢奏折  
衝之績放軍糧一塵不染共推清白之操中固備禦楊謙



齊力方剛操持允潔治兵則訓練時勤頗有超距之氣清  
役則行伍漸實曾無影占之奸蒲河備禦張志遜賢科奮  
跡素習鉅鈐苦節著名久其澹泊修臺修堡無懈稍軍補  
馬尤多張家灣備禦曹宗統才足治繁智能御衆任當水  
陸之要衝而應酬不爽地稱盜賊之淵藪而從衆獨嚴直  
定守備于慶年力精強事體統勇納班之擢詠書還原  
伍禁屯頭之常例莫染纖毫洪山口提調劉應時常懷小  
心能知大體捐金給復伍之卒三十餘人足占撫士之恩  
當固卻屯頭之草二千餘束尤見禔身之節白石口守備  
朱家將體幹恢張齊力壯盛籌邊雖暑雨能衝修

成爲耻堆牛饗士各感一縷之施計日程功特抱寸陰之  
惜白羊口守備劉允慶匡時有志奉法無私增建黃鹿院  
之敵樓艱險不避撫恤白羊口之疲卒威惠並施孝行尤  
篤於慈闈壯猷可煥夫國士古北口提調徐從義又歷邊  
陲

漸騰於古北以上主將均應薦揚內張臣史宸可備西北  
大將之選陳勛張拱立可備薊鎮協守之選楊文吳良知  
可備夏商鎮副之選曰福聶大經可備京營坐府之選羅  
端重一元徐枝宜加副銜以優宿將聶大經委馬邑壯宜  
與前倭參將傅廷勳等八員宜備北邊副將之選遊擊吳



惟忠等十一員宜備北邊參將之選崔經黃宗統曹南溟  
宜備東南參遊之選都司蘇承勳等守備張玠等備禦葛  
景欽等提調陳忠等宜備北邊遊擊都司之選者也以客  
兵將領言之如宣府入衛遊擊李真身足無人謀尤出衆  
入衛曾無後期之憂務之實效士皆技石信為有制之兵  
馬可騰槽莫非空許之選遼東入衛參將李惟一文事既  
通武技尤練領兵絕無科歛數年馳清白之聲料虜善用  
機權兩鎮之防之績大同入衛遊擊任秉公將畏簡書  
兵有紀律行伍則貔貅在列而器械亦皆鮮明語馬匹  
則雲錦成群而銜勒罔不整飭大同入衛遊擊吳昆心勤  
工重封疆赴戍則依期畢至足起數年玩愒之風抵邊  
則量力脩工共成一路金湯之險瀋陽領班都司黃孝敢  
夙諳邊務兼通陣圖談兵洞如指掌當機捷若轉圜督理  
臺工高堅獨甲於諸路整飭器械犀利首倡平諸司天津  
領班都司祝琦鳴志層霄驥思千里領疲衛之班軍一振  
飭領次薙麾之色脩險山之臺座一督責輒成壯麗之工  
縛有治軍之才尤多任事之勇山東領班都司王治詩禮  
名家衣冠世胄馭兵則力挽積弱之頽波訓練務期實用  
守已則痛懲科歛之覆轍操履不事浮華雅有素絲之風  
絕無紈袴之態河南領班都司盧述心機活澄智慮周詳



又從事於窮邊地險夷情歷歷明於掌上曾依歸乎哲匠  
 軍機兵法一一得自心傳以上客將均應薦揚內李惟一  
 入衛有年宜補薊鎮路將或量加銜以酬其勞李真等宜  
 紀錄在簿以備參遊之選者也以各鎮標下聽用大小將  
 官言之如原任黃花鎮參將今聽調斬付久居虜地素聞  
 驍健之名屢任邊方可備衝鋒之選原任密雲左營遊擊  
 孟杰語技藝則射擅穿揚論操持則貧已徹骨近領新軍  
 人皆悅服原任曹家寨遊擊今聽調曹煥武略頗諳清節  
 尤長取其綜理之材可備閫司之任原任臺頭營遊擊今  
 聽調王軫榆木嶺善撫軍士遺愛猶存臺頭營創建工程  
 偉績具在原任運糧指揮王秩督臺工則獨居上等司漕  
 務則首列剡章同僚共息奪職實誣原任遵化遊擊王經  
 甫亦有威名舉其家丁足任前鋒驅屬夷曾聞遠遁  
 原任... 八尺偉軀一身義膽督工耻居人後遇敵  
 州守禦所副千戶歐陽早青年美質壯志長  
 才深必欲上人之心每遇盤根而敢任有奮不顧身之勇  
 嘗以表章而自期遼東東寧衛指揮周文錦氣欲吞牛力  
 能扼虎... 多東虜知名已久遼陽中衛指揮  
 文舉智... 可舉旗臨敵不顧其身敢戰可徵於目  
 原任坐營官李可達久在行間夙知邊計不止一藝之長



尺當千夫之勇原任冷口提調劉從武貌負虎頭勇於狼  
臂騎真可以逐電射更能以落鷗原任把總張式談兵入  
彀奉委甘勞儀度雅有儒風才能可充將領原任董家口  
提調范君寵體貌甚奇騎射亦諳勇可任以摧鋒才豈終  
於執戟榆林衛千戶孫甫虜情軍務事事精通陷陣脩邊  
一一可托寧波衛所鎮撫蔡時宜多才多藝天文地理兼  
通有勇有謀邊務夷情悉諳武舉鎮撫毛希遂脩倉脩學  
不憚勤勞而隨委輒効議戰議守能出已見而隨用皆長  
寧波衛帶銜指揮陳茂智馳烈馬而執轡如組舞雙刀而  
旁觀失色論兵綽有將材知恩不忘

國士諸城所千戶張經忠信不欺老成可任督造車見綜理  
之長安買船無規避之態蘇州衛指揮紀學韓老練不事  
虛華恬雅耻爲奔競棄之不怨委之則勤保定衛千戶張  
恩年力方強膽氣亦壯耻爲紈袴之習雅有儉素之風武  
舉鎮撫白若璞惻愍無華安舒自得督臺工則保障稱雄  
設炮火則庶靜無擾三屯標下把總百戶劉文翰心以不  
欺爲主力以必竭爲期命傳布悉能中機司錢穀久知無  
染營州右屯衛千戶王大任久役轅門曾無怠事屢署邊  
任俱有能聲千總鎮撫錢佩謹慎持身老成練事經南北  
之變故歷有歲時當士馬之調停雅多籌畫金州衛指揮



引上勲心悖誓惕任事勤勞報軍情則鞠躬盡瘁理邊  
則鞅掌弗辭聽用千總李趨理邊工能無騷擾委練兵  
請機宜功夙著於東南勞更深於西北天津衛指揮王鉞  
恂恂與人兢兢守法奉委可蹈湯火守已知勵冰霜安東  
衛指揮侯承恩體貌甚豐才猷亦壯管工則起居不遑承  
委則夙夜匪懈萊州衛指揮張効真純無偽不失赤子之  
心忠勇當先庶幾丈人之度以上聽用諸臣靳付孟杰等  
仍堪備參遊之用王秩等俱堪任南北都司守提之用者  
也以各營員任中軍千把總言之如石匣營中軍甯潮創  
艾日父悔悟已深昔爲泛駕之才今閑中鵠之技三屯右

營中軍陸弘道臨機知變遇警當先捐廩糧以恤貧卒冒  
雨衣以督邊工奇兵營中軍樊愈遇敵足當前列任事不  
慮後艱馳雙騎以如風舞大刀而似葉密雲標下右營中  
軍莫矜功年方英銳守亦端嚴誠遭蹶而長智宜使過以  
爲功遼陽副總兵標下千總楊四德居家克孝事上尤忠  
給散修邊官銀曾無染指挑選防冬士卒更見苦心建昌  
營千總尤政萬里辭家十防乘障練車騎已成堂堂之勢  
造邊臺尤彰赫赫之功昌鎮傳號中軍李時順指脩中  
心刷弊濟河之勞瘁獨多傳宣之紀律不爽永安營左首  
一總張爰支能出衆膽氣過人脩倉効胼胝之勞買



身定州營中軍韓忠臣堂堂七尺以長之軀

千人必往之勇督工調度有方守邊軍士無怨三中營

總王天秩驍勇無倫倜儻可愛界嶺口卑刀取級石

匹馬當鋒西路南兵千總陳蚤奮志猷敵戮力戎行持戟

當鋒江南已建奇績依法練武薊北更懋賢勞東路南兵

千總孫廷賢臨敵輒敢先登裹瘡尚爾進戰練成河南車

營善造各標軍器遼東營千總闕生明官局務而造作如

法從征調而統馭知方山東營中軍李承賜發身武科粗

壯已殫力於邊唾毫髮無染指於行伍德州營

從戎負監可憐千里而終身抱藝

誰是九方臯以上各營諸臣或以賢能而取用可

以悔追効學處久試績有戎相應遇缺推用以備南北守

提之任者也臣又訪得山海關叅將林岐含沙射影鬼蜮

難防遇物致毒此竭可畏營中穢跡已被把總徐龍揭發

矣而苦苦諉罪於永平府推其心實欲箝制乎人口伊心

不安又已使軍人姚和告保矣而切切徧揭於各州縣跡

其事似欲中傷乎善類役占軍士頗聞有

軍糧豈盡出養廉之賦志念已灰機務

本昏庸性更疎懶點軍

哨營軍脫走劉舍人



上不舉正場鞠為蒿萊也

任衛官叫罵於公門體統何在

尤疎況其時方嚴捕盜之條又不日將

官承之何以勝任寧山領班都司劉其魁

盡弛領兵則指稱公用在途在鎮各斂有分例之金到邊

則假托眼疾或修或守悉諉于千把總之役每臺工銀二

百兩不為少矣軍匠怨其扣剋以致工方建而遂傾每防

修臺五六坐未為多也兵夫漫無約束以致役重興而復

壞矣總官已行監問本都司輒擅脫回營私廢公緩急何

賴事熟人玩展布甚難據守守中伊曹陳秉存心狙詐